

INUIT ATAQATIGIIT INATSISARTUNI



17. juni 2021

UKA2021/030

Inatsisartut sulerasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Qanoq iliorluni illoqarfigisaq qimallugu erniartortatut ilaqutaalu pitsaanerpaamik sullinneqarsinnaanersut pillugit apeqquteqaat aallaavigalugu oqallisissiaq.

(Inatsisartunut ilaasortaq Mikivsuk Thomassen, Inuit Ataqatigiit)

Illoqarfigisaq qimallugu erniartortartariaqarneq isummannaannerusumik ernisoqarsinnaanissaa uloriarnartorsiortoqarsinnaaneralu peqqutaallutik kiisalu ernisussiortussaaleqineq ilinniarsimasunillu sulisussaaleqineq peqqutaalluni atuuppoq.

Nunatsinni peqqinnissaqarfiit nunap immikkoortuinut eqiterneqarnikuupput, Nuuk, Ilulissat, Sisimiut, Qaqortoq, illoqarfiillu avataani najugaqaraanni illoqarfigisaq qimallugu erniartortortartarpoq, taamamaattumillu ernisussat piffissami sivirusinnaasumi ilaquuttatik qimallugit ernisarfilinnut aallartariaqartarlutik. Taamatut aaqqissuussisimanerput ernisussamut ilaqtariinnullu oqitsuinnaasanngilaq.

Erniartortortartillugu angajoqqaat avissaartinneqartarput. Ilaatigut nakorsat peqqissaasullu aalajangigaannik tassanngaarnartumik aallartortartarpoq. Taamatut pisoqartarnera ilaqtariinnut sakkortusinnaavoq ingammik nalorninartorsiorfinnut pisoqaraangat. Taassuma saniatigut timikkut tarnikkullu aallarluni erniartorneq ilaqtariinnut tamanut nukinnik atuiffiusarpoq. Takorlooriaruk illoqarfimmut takunikuunngisannut ilaqtarfiginngisannut inunnullu nalulluinnakkannut erniartussallutit, taamaasisoqartillugu ernisussa q uippakajaalersinnaavoq annilaangasoqalerluniluunniit, taamaattoqartillugulu naartuumut sunniuteqarnerlussinnaavoq.

INUIT ATAQATIGIIT INATSISARTUNI



Ernisussiortut kattuffiata erniartortitsisarneq pillugu isornartorsiuinera tigussaalluinnartutut isigaara¹. Tassami erniartornermi ernereernerullu kingorna isumatassimangaarnermik nalaataqartoqarsinnaavoq. Tamamaammallu erniartortitsisarnitta ukkatarineqarnissaannik Ernisussiortut kattuffiata oqartuutaa aalajangiisartutut oqallisisissagipput isumaqartunga.

Ernisussiortut Kattuffia avammut nalunaarummini allappoq illoqarfimmut allamut erniartortoqassagaangat anaanasup pisinnaatitaaffigisariaqaraa ataataasoq ilaquataasorluunniit peqataatinnissaa. Tamannalu oqallisigineqartariaqartoq allalluni. Tamanna partiit qanoq isumaqarfigaat?

Aamma qanoq ililluta angajoqqaangortussaq toqqissisimasumik atugaqartinniarlugu aaqqissuisoqarsinnaavugut? Isumaqarpunga erniartortitsisarnermut aaqqissuussisimanerput qanoq pitsaanerulersissallugu oqallilluarsinnaasugut, taamaaliorsinnaavugut Peqqinnissaq Pillugu Ataatsimiititaluarsuaq isumalluutiginnikkaluarlugu.

Siullertut isumaqarpunga erniartortarneq meeqqamut ilaqutariinnullu pitsaasumik sunniuteqassappat siusissumik iliuseqarnikkut aqqutissaajuartariaqartoq. Toqqammaviussaaq meeqqap naarmiuunerminiit pitsaasumik toqqissisimanartumillu sinaakkusigaasumik inuiaqatigiinnut akulerunnissaa.

Naalackersuisunut apeqquteqaatigisama² akissutaanni takuneqarsinnaavoq nunagisaq qimallugu erniartortarneq pillugu misissuisoqarsinnaaneranik Naalackersuisut pilersaaruteqaruteqanngitsut, misissuisoqassanngippat taava

¹ Sermitsiaq: <https://sermitsiaq.ag/kl/node/219178>

KNR: <https://knr.gl/kl/nutaarsiassat/ernisussiortuunerit-kattuffiat-nunatta-sineriaani-ernisarneq-ukkatarineqarnerulissaag>

² Apeqqut 026-2020: https://ina.gl/documents/para3637/2020/svar/026_2020_regional_sygehuse_MTHO_akissut.pdf

INUIT ATAQATIGIIT INATSIARTUNI



piffissanngunnginnerluni erniartortarnerup pitsanngorsaaviginissaannut
ukkassinissarput?

Taamaatut apeqquteqaat aallaavigalugu saqqummiussillunga
oqallilluarnissassinnik kissaappassi.